

# Makitu ki Judi ndangi Ta ki do makitu'ti ki Judi ndangi

Makitu kin in ki kulə'n kadi njetudə'ə'gi ki in de'gi ki de gər ta'gi ki ojido'de ar njay el. De'gi madi'gi in non in nje sanan nyando ki ngom tuləi de'gi ki Judi ulə ki makitu adi'de kakin nan'ti. Ko degə'gi kakin rai rə'de to njekunme'gi ki rəta'ti be. Njendangi makitu ulə dingəm me njetudə'ti kadi tinyəi ki kunme kadi Luwə toki njekawkulə'gi ndoi'de. Maji kadi rai ki nan yo ki ne ki təgi lə Ndil Luwə.

Ta ki me makitu'ti kin tanan ki ta ki me makitu'ti lə Piyər ki nja joo ki rowninn'ə in 2 kin be.

Kon ta'gi ki me'ti: Kandi me ta'ti 1-2. Nje sanan nyando ki ngom ki takigangi ki ojido'de 3-16. Uwəi kunme ki ndiginan səm 17-23. Təji in do Luwə'ti 24-25.

## *Kuwə ji nan*

<sup>1</sup> M'in Judi, njekuləbər lə Jeju Kirisiti, ki m'in ngonkon Jaki\*, ə m'ndangi makitu kin m'adi ingi ki Luwə bər'se, ki Baw'je Luwə ndigi'se, ki Jeju Kirisiti ngəm'se to nya lə'ne kin. <sup>2</sup> Ningə

---

\* **1:1** 1.1 Mat 13.55; Mrk 6.3

kadi k'oo kumtondoo, ki lapiya, ki ndiginan lə Luwə to mbar mbar ki dɔ'se'ti.

### *Njendo de'gi nya ki ngom*

<sup>3</sup> Nje ndigi'gi lə'm ki ngayn, m'ndingə ngayn kete kadi m'ndangi makitu madi'se ɔjido kaji ki j'in kareba dɔ'ti kin. Ningə ki ngosine kin, in togi madi ki isi dɔ'm'ti kadi m'ndangi makitu kin m'adi'se, m'ulə'n dingəm me'se'ti kadi roi dɔ kunme'ti ki Luwə adi de'gi lə'ne nja kareba par go'ə gangi kin. <sup>4</sup> M'el be tado de'gi madi ki takigangi ki dɔ'de'ti in ki ndangi me makitu'ti lə Luwə kete nu kin, turi dann'se'ti, isi mbiri ta memaji lə Luwə kin, təli'ə ta ra kaya'ti lə'de, taa mbeti de ki in kar'ne ba ə in Njekundɔ'je, ki in Burəbe lə'je Jeju Kirisiti kin tɔ.

<sup>5</sup> M'gər kadi in gəri nya'gi pəti maji, nan m'ndigi kadi m'olo me'se dɔ'ti toki, loki Burəbe te ki de'gi lə'ne be bər'ti Ejipiti, go'ti, tɔ ko nje'gi ki rai rɔ'de to njekunme el†. <sup>6</sup> Ningə m'ndigi kadi m'olo me'se dɔ'ti bay toki, malayka'gi ki rai dɔ togi'ti ki Luwə adi'de kin el, nan mbeti lo kisi'de, Luwə uwə'de dangay'ti lo'ti ki diw, dɔɔ'de ki kulə gindi ki kadi a toi biti ki non'ti, tado takigangi ki boi ki a re. <sup>7</sup> In be tɔ ə, Sɔdɔm ki Gɔmɔr‡ ki be'gi ki gugi gidi'de, ki uni rɔ'de uləi me kaya ki ra'ti, kah'a'ti lə malayka'gi inbe kakin tɔ, adi sangi nan ki lo sangi nan'ti el kin, Luwə uwə'de dangay'ti me por'ti ki biti ki non'ti. Ningə in kin in ndəji nan ki to tado lə de'gi pəti.

---

† **1:5** 1.5 Tekitaga 12.51; Kɔr Isirayel'gi 14.29-30 ‡ **1:7** 1.7 Lotum 19.1-25

<sup>8</sup> In be ə, njendo de'gi nya ki ngom kakin, me do majel'ti lə'de, buri ki rə'de, kidi togi lə Luwə, taji malayka'gi ki eyina toji'gi. <sup>9</sup> Nya kare, Misel ki in kibo lə malayka'gi§, loki isi manjinan ta'ti ki Su, isi koli nan do ninn Moji'ti kin kaa\*, sangi kadi n'gangi ta madi to nya taji do'a'ti el, nan ta ki el ə, el ene: «Kadi Burəbe indəi oji†.» <sup>10</sup> Nan de'gi ki njendo de'gi nya ki ngom kin, nya ki gəri'ə el kaa taji'ə, nga ningə, nyagər ki oji'de to yan da'gi be par kin ə, in nya ki kadi tuji'de to tuji yo. <sup>11</sup> Tuji in do'de'ti, tado uni row lə Kanyi‡; tado ta lə nar ə uri mu to Balam§ be; tuji tado tanyi rə to Kore\* in ki de'gi lə'ne be. <sup>12</sup> Kisi'de sese ta nya kuso'ti lə ngannkon nan'gi, ra adi nyakuso lə'se təl nya ki to njen. Soi ge anyinan ge adi asi'de ki kanji rosol, gonyi ta rə'de inbe'gi. Toi to kilndi ki nəl ər'ə aw si'ə adi lo kadi ədi goto kin be, toi to kagi'gi ki nanyi kandi'de'ti kaa andi el, adi loki de ər'de ki ngirə'de ba kə ə, təli oyi koy ki nja joo kin be. <sup>13</sup> Manji kulə ra'de'gi ki to rosol ki taga to pungi ba ki buki pulum'ne nganggi ba'ti kin be. Taa toi to mee'gi ki gəri lo k'aw'de el, ki lo ki diw kururu to tado lə'de biti ki non'ti kin be.

<sup>14</sup> In ingi ə njekeltakita Luwə'ti Enəki‡ ki in kaw'je ki nje nja siri go Adam'ti elta ki ta Luwə'ti ndon ndil do'de'ti ene: «Oyi, Burəbe a re ki malayka'gi ki ar njay dər dəgi banyi banyi,

---

§ **1:9** 1.9 1Te 4.16; Daniyel 10.13,21, 12.1; TNT 12.7 \* **1:9** 1.9 Ndukun ki nja joo 34.6 † **1:9** 1.9 14-15 ‡ **1:11** 1.11 Lotum 4.3-8 § **1:11** 1.11 Kər Isirayel'gi 22.1-35 \* **1:11** 1.11 Kər Isirayel'gi 16.1-35 † **1:14** 1.14 Lotum 5.18, 21-24

<sup>15</sup> kadi gangi ta kibo do de'gi'ti pëti. A uwë njeramajel'gi pëti dangay'ti oji'n do kulë ra'de'gi ki majel pëti ki rai òsi ta Luwë, taa oji'n do ta'gi ki maji k'el el pëti ki eli do Luwë'ti to.» <sup>16</sup> In de'gi ki ronel lë'de goto, isi barita ki dokagilo'gi pëti. Rai nya'gi ki me'de ndigi, ta ki isi te ta'de'ti in ro ki kaji, ningë re oo'de isi toi'de pe pe kin ë, in kadi ingëi nya ki to soti ki daro'de ro de'ë'ti kin.

*Ta kaji ki ro nje ndolo go Kirisiti'ti*

<sup>17</sup> Nga ningë, ki oji do'se, in njendigi'gi lë'm ki ngayn, m'dëji'se kadi adi me'se olo do ta'ti ki njekawkulë'gi lë Burëbe lë'je Jeju Kirisiti eli'se kete nu kin. <sup>18</sup> Eli'se eyina: «Dokagilo ki doboy'ti ë a ingëi de'gi ki a uwëi'se kogi num, a njiyëi kigo ndigi ra'ti ki majel ki me'de'ti num to.» <sup>19</sup> Kadi in gëri, in ingi ë in nje re ki gangi nan. Ningë mërta'gi lë'de in mërta kigo daro'ti, um in mërta ki in ro Ndil Luwë'ti el. <sup>20</sup> Nan ingi, njendigi'gi lë'm ki ngayn, m'dëji'se kadi adi ngirë kisikidotaa lë'se in do kunme'ti ki rëta'ti lë'se kin. Elita ki Luwë ki togi Ndil'ë. <sup>21</sup> Ningë kadi uwëi togi'se ba me ndigi'ti ki Luwë ndigi'je. Uwëi togi'se ba in nginëi re Burëbe lë'je Jeju Kirisiti ki me memaji'ti li'ë, a adi'se kaji ki biti ki non'ti kin. <sup>22</sup> Nje ki me'de isi tosi, maji kadi oyi kumtondoo lë'de. <sup>23</sup> Aji'de ki row nagi nan ta por'ti taa. Nje ki rangi bay, maji kadi oyi kumtondoo lë'de, nga ningë oyi ro'se maji kadi rati ro'se ki kulë ra'de'gi ki majel kin el, nan kadi òsi kulë ra'de'gi ki majel ngërëngi. Òsi ngërëngi, biti kadi ku ro'de ki kulë kigo daro'ti tël'ë nya ki to njen'ti kin kaa kadi òsi ngërëngi bay.

*Kulə toji dɔ Luwə'ti*

<sup>24-25</sup> Kadi kulə toji in ki dɔ Luwə'ti ki in ki kar'ne ba ə in Luwə, in ki asi kadi ngəm'se adi osi me majel'ti el, in ki kadi a ra adi tei rei me kunj'ə'ti ki ronel kadi nya madi ra'se el, in ki Njekaji'je ki row lə Burəbe lə'je Jeju Kirisiti kin, kadi tɔbar, ki k'əti bol, ki tɔgi, ki konbe, in li'ə, dɔkagilo'ti ki dər, ki dɔkagilo ki bone, ki dɔkagilo ki a re biti ki non'ti! \*Amen.

**Ta lə Luwə Kunmindɪ ki Sigi**  
**New Testament in Gor**

copyright © 2014 Wycliffe Bible Translators, Inc.

Language: Gor

Contributor: Wycliffe Bible Translators, Inc.

All rights reserved.

2020-11-17

---

PDF generated using Haiola and XeLaTeX on 21 Feb 2024 from source  
files dated 29 Jan 2022

2c67456e-bce1-5ef4-9c95-47d2d9335aa4